





石屏詩集卷第五

郭外翁

郭外生涯少城中
糴米歸種花無處賣
挑菜入籃
稀風撼傾欹屋
寒生藍縷衣
此翁何所樂
談笑傲
輕肥

鄭南夫雲林隱居

一來陪勝踐
餞再到惜蹉跎
記得山中景
行尋竹
外坡天寒梅信早
海近鴈聲多
烟渚蒲洲外
時聞
款乃歌

石屏詩集卷第五



夢與趙用父王子文陳叔方相會甚款

鼎足當州縣別來音問稀故人俱顯達吾道亦先
輝三鳳夢中見孤鴻天外飛應憐江海客白首未
成歸

戲呈趙明府

堂堂附郭縣深遠半如村能共斯民樂渾忘太守
尊梅花高可折橫浦撓無渾欠與詩狂者清談共
一樽

訪曾雲巢

一老今無恙諸公昔與儔隨時難苟合懷道早歸
休苦似陶元亮全如秦少游筆端鋒銳別有待續

春秋

冬暖

天不雨霜雪朝曦與暮霞江梅遲臘蓋岩桂更冬
花地暖宜爲客時難重憶家楚山崑崙晚眺歸興逐
樓鴉

許提幹湖上下築

才氣有如許功名不可無樂從閑歲月養就大規

模雅志難諧俗幽居苦並湖君看蓮下藕不與葉
同枯

見名園荒廢有感

喬木無留影殘花尚假妍荒池蛙叫噪
旋富貴偏多事風流得幾年墻東有寒
相傳

題黃仲文雙清亭

亭下新池好亭中古意存欲通溪上路遂闢竹邊
門自昔好賓客相傳到子孫金看司命鶴時到種

瓜園

靜寄孟運管招客皆藏春侍郎故人因與花
翁孫季蕃話舊有感

來訪藏春宅因登靜寄堂異香薰寶鼎清樂送瑤
觴穿竹過花所尋梅見海棠白頭思往事無語立
斜陽

莆中遇方

邀出城買蠮而飲一僧同行

出郭斷虹兩倚樓新鴈天三盃古榕下一笑菊花
前入市子魚貴堆盤牡蠣鮮山僧慣蔬食清坐莫

流涎

天竺訪明上座

顧影良堪笑胡爲八尺長蒼顏抗塵土餓咏說興
亡一作文章竹雨先秋爽松風生夜涼愛尋湖上寺留
宿贊公房

隆興度夏借東湖驛安下

面對一池荷四旁楊柳坡樹陰遮日少屋敞受風
多疑是清涼國暫爲安樂窩人人爭避暑老子自
婆娑

挽趙縣尉自號十竹極貧不肯爲官

十竹相依住一官真漫爲狂來裂軒冕窮不顧妻
兒疾世吟孤憤傷時賦五噫高名應不朽自作墓
中碑

張統制之子爲父求詩蘄州城破疋馬打圍
而出能知數謂時不可爲

夜半金城破身隨鉄馬飛橫揮三尺劔突出萬人
圍勇銳資神力功名與願違自能占氣數終老着
農衣

挽趙縣丞

好古好恠人
吝家為之窮

以緩急告雖千金不

雅志思行古幽居不愛官傾家為義舉竭力奉親
歡閱世開天鏡藏身作瓦棺聞知捐館日有夢跨

金鞍

挽沙溪項公苔湖居士

讀書不成事何恨老山林處世有容德與人無諍
心友于兄弟樂惠彼里閭深細把豐碑讀懷賢淚
滿襟

一曲苔湖上深居萬竹間自尋三徑樂早得一身

閑澆澆循除水林林夾屋山傷心白雲際遺跡尚

班班

挽大溪姚祥叔即南

慶門今獨盛舊族有光華日坐不欺室天興積善
家山林娛晚境書史是生涯手種堂前桂君看身
後花

挽唐吉林詠道

博雅林夫子隱居城市巾家貧書甚富學苦字尤
工四海交名勝諸文辨異同阿戎談更好端不負

家風

蔡明府見示令叔顯謨開國墓誌求詩爲賦
三首

巴蜀何多事賢能見一時纔爲花縣宰早受菊坡
知關外科民急興元易帥遲預會陳利病人不信
著龜

虜橫干戈密官清財賦強饑年無餓等亂後有金
湯五郡樹佳政諸公交薦章忠言動天聽惜去把
麾忙

寄家茗雲上萬里故鄉愁未入金門奏還爲玉局
遊孤忠徒耿耿一病竟休休爲國惜人物淒然老
淚流

族姪孫子榮之子神童顏老不幸短命而死
哭之不足三詩以悼之

亘古英靈在顏回有後身年纔十三一作歲才過萬
千人學到由天悟文高見理真再生仍再天無路
問鴻鈞

昨應童科日群兒立下風羊姿傾衆日文采動諸

公兩耳能兼聽六經皆暗通相期到楊晏有始柰
無終

汝祖積陰德汝翁多讀書汝生天報施汝死又何
如脩短有定數賢愚莫問渠冥官聞慟哭還許再
來無

神童諱顏老生而秀骨竒姿非九子比及
晬父漁村徇俗修試兒故事羅書籍玩具
果發於席顧盼無所取獨挈禮記一帙披
捲若讀誦然稍長口授以書兩耳兼聽日

記數千百言七歲能暗誦五經舉止應對
儼若成人十歲善屬文思如湧泉王帥幹
懋卿試以數題捉筆輒就懋卿稱賞不容
口嘉熙元年丁酉參政范公嘉其俊異舉
應神童科第一後省中勅賜免解進士朝
廷以其能行文永免年十三卒

跋戴神童文稿

余昔訪戴君見顏老容貌豐秀步趨詳雅
甚以遠器期之因語戴君曰昔楊公億晏

公殊皆嘗以童科顯世之過二公之神者亦多矣而或夭而殤者病於握苗而弗獲實也子宜經史華潤薰浸而茂悅之以需其成慎勿以世俗干祿之文揉其心扼其膽也去之幾何年今乃徒見其揉心扼膽之文而其人則已矣嗚呼九齡與玄昔賢所痛玄可與也齡不可與也雖痛矣益實佑三年乙卯春仲同邑杜範儀夫識

孫季蕃死諸朝士葬之於西湖之上

卜宅西湖上花翁死亦榮談諧老方朔曠達醉淵明風月生前夢歌詩身後名風流不可見腸斷玉簫聲

櫻桃

綠樹帶朱實駘禽費彈丸獨先諸果熟堪奉五侯餐猩肉和瓊液蟻珠走玉盤同時得同賞芍藥滿雕欄

題清江臺

是日新打范石湖碑表于亭上

秋色無邊際酌之以醉顏亭高俯城郭不闕見江

山勝踐園林古好詩天地慳范碑生羽翼飛上畫
屏間

江西壬辰秋大旱饑臨江守王勿學監簿極
力救民癸巳夏不雨幾成荐餓監簿禱之甚
切終有感於天

懇切金章奏精誠玉帝知稻梁民性命豐歉國安
危苗秀方成實雨來還及時人能合天意天亦順
人為

天續饑民命神知太守心驕賜化霖雨六月借春

陰早稻先秋熟晚田儲水深去年饑欲死不料到
于今

監簿和篇

赤地我民苦寸心天我知元元爭救死凜凜強扶
危備具先三日憂端彼一時倏然返生意人力豈
能為

叫得神明力挽回天地心連朝被甘澤既雨積重
陰水滿田高下涼生秋淺深老癯幸無死一飽慶
從今

懷何宏甫

何郎好兄弟愛我往來頻人作交游看情如骨肉
親茅庵思共隱蕙帳暖生春別後長相憶寄書無
便人

題董侍郎山園

行盡芙蓉徑尋秋扣竹關樓高納萬象木落見群
山平野水雲際盡橋烟雨間紅塵城下路只隔一
湖灣

蕭仲有遺經堂

一經傳世寶說與子孫知欲作久長計毋忘禮義
爲黃金生悔吝白壁有瑕疵兼取龐公語圖安不
遺危

讀嚴粲詩風撼瀟湘覆江空雪月明以其一
聯穩菜爲對

筆端有神助句法自天成風撼瀟湘覆江空雪月
明苦吟非草草妙趣若平平李杜詩壇上爲君題
姓名

春陵山中

地僻民風古雨晴天氣新
空山豎竒石喬木墮枯
薪深入千崖路多逢百歲人
繁華凋性命寂寞可
全真

淮上寄趙茂實

渺渺長淮路秋風落木悲
乾坤限南北胡虜迭興
衰志士言機會中原入夢思
江湖好山色都在夕
陽時

金山

水湧孤峯出波深日夜聞
重岩成鐵屋雙塔碍行

雲天地八窓迥江淮兩岸分
登臨多感慨北鴈又
成群

焦山

江接海冥冥山連島樹青
似非入境界宜有佛宮
庭藏壓蟠龍宅潮滄塵鶴
銘西岩更清絕心與酒
俱醒

梅花

細把南枝看百花無此竒
夜深鍾月魄
古樹龍其似寒香蝶不知
幽蘭開亦早二妙喜

同時

赤壁

千載周公瑾如其在目眼作前英風揮羽扇烈火破樓船白鳥滄波上黃州赤壁邊長江酌明月更憶老坡仙

曾雲巢年八十聰明不衰小楷寫六經家有小樓日登覽不倦諸監司嘗薦為遺逸

八十雲巢老諸公循典刑心情古并水輩行曉天星身健登高閣眼明書六經嘗聞薦遺逸何以報

朝廷

醉吟

一狂兼一懶窮到白頭年客路偏耽酒詩囊不貯錢吟邊忘世故醉裏樂吾天不答諸公問何如孟浩然

次韻胡公雅

日用無非道人心實在平果能行實學何必問虛名草木隨時態江山無世情晚來溪雨歇一段夕陽明

同安子順以茅庵道人鳳凰麒麟不可見道
人語也

道者日高卧清
一隔世塵鳳麟不可見猿鳥自相
親山木輪困古女
小花冷淡春草荒門外路常怕有
來人

法曹羅立之
酒邊舉數首皆僕故人爲我寄
聲

佳士欣相識吟邊
問姓名官爲三語掾詩到五言
城野客可憐我故
人煩寄聲白頭歸故隱秋後會

群英

爲客

琴劍長爲客詩
日夕策勲老來臨鏡懶愁裏把盃
勤北鴈寒離塞
以鷹爲健拂雲物情能奮發人不解
超群

彭綉使平叛卒後除經略小詩陳利害

廣東經略使今古幾人賢陛下用一士民間有二
天清風排瘴雨廉德照貪泉龍節生光彩鸞車奏
凱旋

斬蛟移鱗後近水有鼈鱗聞外尚多事幕中無一人佩常防狗急強飯養精神羅致賢能士仍須藻鑑真

乳虎戀巢穴窮猿失木心早須思一著先要釋群疑豪傑通心腹人民無怨咨御軍明紀律威愛貴兼施

會李擇之其父名丙字南仲著丁未錄丙申

錄

吟邊逢李白談笑亦風流相對各青眼安知有白

頭兩家窮活計四海老交游不負雲山約同登百尺樓

道傍館

道傍誰氏館我坐開樽翁媪出迎客兒童爲掃

門好花生竹所流水浸雲根儻遂卜隣約爲農老此村

山中夜歸

落盡一林月山中夜半歸驚行群犬吠破暗一螢飛舉我赤藤杖敲君白板扉興來眠不得吟到曉

星稀

題春山李基道小園

瀟灑數椽屋旋營花竹坡心寬忘地窄亭小得山
多共賞春晴好其如客醉何棲鸞將遠舉寧又
時庭柯

東軒

喜鵲飛花即景

東軒亦瀟灑春曉雨晴時喜鵲立門限飛花落硯
池青山解留客綠竹遍題詩一點歸心動夜來聞
子規

宿農家

宿此屋頭閣瓦窓通月明夜深鸚鵡噪人靜桔槔
聲村落有古意田園關客情儒衣成底事所得是
虛名

寄耒陽令嚴坦叔

士元堂上坐千載仰清規百里宜民政數篇懷古
詩江連杜甫墓水落蔡倫池公暇登臨處寧無憶
我時

所聞

今虜既亡後中間消息稀山河誰是主豪傑故乘
機喜報三京復旋聞二趙歸此行關大義天意忍
相違

胡倅送羊烹以會客

烹羶會賓客花酒一時來愁逐歌聲散心隨笑口
開飲疑金盞漏醉到玉山顏借問歡娛地相逢能
幾回

寄清流王令君

朴直存吾道一心唯向公知非巧宦者直有古人

風行志非爲矯潔身能固窮如何有廉吏不入薦
書中

生朝對雪張子善有詞爲壽

焚香拜天貺滿眼是瑰琦臘月雪三尺春風梅數
枝登樓忘老態對酒展秋眉爭唱陽春曲山翁醉
不知

石屏詩集卷第五終

全書六十一首

石屏詩集卷第六

七言律

江濱曉步

津頭曉步落潮痕
行盡蒲根到柳根
鴈影參差半江月
鷄聲啞啞數家村
求魚看下列筒釣
乞火聽敲隣舍門
料得錦城無此景
欲將圖畫寄王孫

鄂渚烟波亭

倚遍南樓更鶴樓
小亭瀟洒最宜秋
接天烟浪來三峽
隔岸樓臺又一州
豪傑不生機事息
古今無



盡大江流凭欄日暮懷思鄉國崔顥詩中舊日愁

寄尋梅

寄聲說與尋梅者不在山邊即水涯又恐好枝為
雪壓或生幽處被雲遮蜂黃塗額半含蕊鶴膝翹
空踈帶花此是尋梅端的處折來須付與詩家

辛未元日上樓叅政攻媿齋先生

東風入仗慶雲翔百辟朝元奉玉皇一代安危寄
黃髮群生枯瘁轉青陽梅花結果調勳鼎栢葉宜
年上壽觴宰相黑頭天子聖賴公同與措時康

春日二首呈黃子通大卿

野人何得以詩鳴落魄騎驢走帝京白髮半頭驚
歲月虛名一日動公卿頗思湖上春風約不柰樓
頭夜雨聲柳外斷雲篩日影試聽幽鳥話新晴

帝里風光二月新西湖幾隊對踏青人杏花時節
偏饒兩楊柳門墻易得春或是或非塵裏事無窮
無達醉中身五陵年少誇豪舉寂寞詩家戴叔倫

釣臺

赤符新領舊乾坤多謝君王問故人暫作客星侵

帝座終爲漁父老江濱層臺不啻幾一作千仞直釣
何曾挂一鱗莫道羊裘欠圖書丹青難寫子陵真

寄湖州楊伯子監丞

宛如公幹卧漳濱枕上窮吟過一春遣病每懷詩
眷屬訪醫因問藥君臣鑽龜小卜占欠數覽鏡羸
形類別人寄語雲川賢太守新詩莫厭話愁頻

飲中達觀 三首取其一

人生安分即逍遙莫向明時歎不遭赫赫幾時還
寂寂閑閑到底勝勞勞一心似水惟平好萬事如

慕不着高王謝功名有遺恨爭如劉阮醉陶陶

梅

孤標粲粲壓群葩獨占春風管歲華幾樹參差江
上路數枝裝點野人家冰池照影何須月雪岸聞
香不見花絕似林間隱君子自從幽處作生涯

清涼寺有懷真翰林運使之來

不特來觀德慶碑江山勝槩六朝遺興亡了不關
吾事登覽胡爲作許悲梅爲有香奇似雪酒能無
悶妙於詩蕭蕭綠竹無人愛留取雲稍待鳳來

覺慈寺

踏破白雲登上方自嫌塵土浣禪床千山月色令人醉半夜梅花入夢香深谷不妨春到早老僧殊為客來忙山童懶慣勞呼喚自拗枯松煮木湯

寄復齋陳寺丞二首

豈說一作從來用處難出乘五馬看廬山鳳凰覽德下千仞虎豹憎人上九關持論太高天動色憂時未老鬢先斑平生風節誰其似汲黯朱雲伯仲間長憶西灣繫小舟野人曾伴使君游夜浮星子邀

明月兩對盧君說好秋坐擁紅粧啓寶硯醉歌赤壁寫銀鈎當時一段風流事翻作相思一段愁

歌僕赤壁詞為作大字書之今刻石于房山羅漢寺

黃州偶成

鴈叫淮南欲雪天倚樓無味抱愁眠算從滄海白雲際行到黃州赤壁邊萬事忘於懷壯志一生窮為聳吟肩鬢間白者休教鑄要使天知老可憐

題泉州王梅溪先生祠堂徐竹隱直院謂梅溪古之遺直渡江以來一人而已

堂堂大節在朝廷名重當時太華輕乾道君臣千
載遇先生議論九重驚人歌黃霸思遺愛我頌朱
雲有直聲一辨清香拜圖像英風凜凜尚如生一
無爲山中鄭老家

高談可聽用心幽灼見此翁非俗流鞍馬破家還
避世田園得地肯封侯開窓脩竹無由俗繞屋青
山總是秋門外短籬看亦好黃金菊間碧牽牛

南康縣用東坡留題韻

鏡中雙鬢已非鴉身在江湖心在家道路飄零如

柳絮山川迤邐近梅花客行有債頻沽酒老怕無
眠戒飲茶昨夜夢歸滄海上釣竿橫插鴈邊沙

李季允侍郎舟中

憶昨楓橋既語離何期千里又相隨太湖不見鷓
夷子秋浦同尋杜牧之燈火船窓深夜話江山客
路早冬詩人間草木空無數除却梅花莫我知

湖南見真帥

致身雖自文章選經世尤高政事科以若所爲即
伊呂使其不遇亦丘軻長沙地窄儒衣澗明月池

乾春水多天以一賢私一路其如四海九州何一
永新宰潘仁叔再約觀梅

去年憶訪潘懷縣樽俎風流主意饒爆竹聲中度
殘歲華燈影裏醉元宵春風又起觀梅與野客仍
煩折簡招預想張園李故事插花秉燭過溪橋

廬山十首取其四

山靈未許到天池又作西林一宿期寺是晉時陶
侃宅記傳隋代率更碑山椒雲氣易爲雨客子情
懷多費詩暫借蒲團學禪寂茶烟飛繞鬢邊絲

道人問我看廬山地上爭如閣上看呈露千峯秋
落木雕鏤萬象客凭欄靜中見得天機妙閑裏回
觀世路難管領風光有微憾桂花香裏酒瓶乾

宮朱陵閣觀山

擁鼻行吟上下廊今宵又宿贊公房松搖半夜風
聲壯桂澆中秋月色香白石清泉聞笑語名山大
澤出文章老夫甘作無名者不逐紛紛舉子忙
乘鸞不見李騰空試與尋真訪故宮黃葉堆邊覓
行路紫烟深處望仙蹤眼高天近千山上身共雲

棲一壑中九疊屏風三疊水更無詩句可形容

豫章東湖感舊

憶見堤邊種柳初重來高樹滿東湖交游大半入
鬼錄歌醉一時逢酒徒夜雨總成流水去春風能
免落花無經行孺子亭邊路猶有沙鷗識老夫

僮約

汝在何鄉何姓名路途九百愛惺惺衣裳脫着勤
收管飲食烹包貴潔齋每遇歇時尋竹所須教宿
處近旗亭吾家僮約無多事辦取小心供使令在一作佳

同鄭子野訪王隱居

聯騎來尋失馬翁相期投宿此山中一庭花影三
更月萬壑松聲半夜風共把酒杯眠不得劇談世
事恨無窮明朝莫使兒童見作倘有江船吾欲東

夜宿田家

簷笠相隨走路岐一春不換舊征衣兩行山崦黃
泥坂夜扣田家白板扉身在亂蛙聲裏睡心從化
蝶夢中歸鄉書十寄九不達天北天南鴈自飛

送蒙齋兄長游天台二首

方丈蓬萊去，昨渺茫天台。祇在白雲傍，羽衣金策。
群仙過，珠閣瓊樓，八桂香來。藥有時逢，道侶挑包。
遇夜宿僧房，寒山拾得如相見。指點人間笑幾場。
山林勝處，說天台仙佛，多從此地棲。司馬八篇通
道妙，豐干一語，指人迷時逢好酒。從容飲，莫把新
詩取次題。白日看雲思我，否惠連無分共攀躋。

豫章巨浸呈陳幼度提幹

乞得新晴賦晚霞，出門無路欲乘槎。憂風憂雨動
經月，足食足衣能幾家。一飯共君烹瓠葉，三杯無

處看荷花自成鼓，吹喧朝夕輸與東湖兩部蛙。

訪趙東野

名時習休
官隱居

謁來問訊病維摩，花滿溪堂竹滿坡。髮禿齒危俱
老矣，人高詩苦柰窮何。四山便是清涼國，一室可
爲安樂窩。猶有憂時兩行淚，臨風揮洒濕藤蘿。

方孚若真宅堂前池上作淮南小山題詠

者甚多見其詩軸次韻

妙手能移造化功，壺中幻出九華峯。山雖云小能
棲鳳，水不求深貴有龍。事紀淮南千古勝，記成嘉

秦八年冬先生不用賦招隱辦了功名訪赤松

江州德化縣漪嵐堂盡得廬山之勝醉中作

此呈趙明府

不羨君爲花縣宰羨君日坐漪嵐堂有時酒興兼
詩興無限山光與水光百姓熙熙知教化群胥凜
凜對風霜公餘置酒看苑李醉倒花前客自狂

廬州帥李仲詩春風亭會客有塵字韻詩和

者甚多韻拘無好語

玉關人老鬢絲新千里長城在一身氣使黃金結

豪傑手揮白羽翮靜風塵山河四望亭中景桃李
一開天下春鄉日滿城騎戰馬而今四野盡耕民

送滕審言歸長沙別無聊

折柳亭前送故人平沙留得馬蹄痕雲生渡北一作
迷行路烟起江南認別村恨不與君同上道歸來
無伴自開樽西樓獨倚黃昏月欲倩飛鴻寄斷魂

張仁仲提幹衡陽冰壺亭燕客

大抵吾曹臭味同留歡卜夜莫匆匆一亭景物冰
壺上萬里乾坤玉鏡中踈柳無心挂明月敗荷有

恨倚西風吟家舊日張公子千首詩成句句工

別後舟中用前韻

出郭風光便不同轉頭猶恨去匆匆維舟別岸鴉
啼後倚柂澄江鴈影中向老客懷驚歲月乍寒天
氣轉霜風冰壺亭上人如玉謾寄篇詩不暇工

海月星天之觀

京口普照寺舊有橫陳軒岳總侍改作此觀唐張祐普照上方詩云人行中路月上海鶴語上方星滿天就中摘此四字為名

巍然華屋似凌歊下際滄溟上九霄萬頃波濤浴
蟾兔一天星斗轉魁杓征鴻有感入飄泊宿鶴無

聲夜寂寥誰似風流楊叔子登臨

杜子野主簿約客賦一詩為贈與僕一聯云

生就后橋羅漢面吟成雪屋閬仙詩

杜陵之後有孫未自守詩家法度嚴秀骨可仙官
沉薄高情追古俗人嫌起看星斗夜推枕為愛江
山寒捲簾飽喫梅花吟更好錦囊雖富不傷廉

楊伯子監丞雪川文兩得晴為喜

村南村北晒蓑衣好是雲開日出時太守少寬憂
世志野人為賦喜晴詩兩岐瑞麥黃金實八繭吳

蚕白雪絲政事端知能作今天意雨腸還亦順人為

提刑彭仲節平叛卒

千兵喝賞黃金盡六月臨戎白刃寒慷慨丈夫為
事別太平人物濟時難誰言江左無王謝今喜軍
中有范韓漢節梅花留不住借君一劍斬樓蘭

中秋李漕水壺燕集

諸亭環立一作玉湖灣區界無多眼界寬蒼石傳為
偽劉物綠波曾浴葛仙丹兩邊堤樹四時碧一片
水壺六月寒咫尺雲烟接滄海須知此地有龍蟠

李計使領客游白雲景泰

一作李漕實夫携僕游觀海上諸山四途至蒲潤乃鄭安期得仙之地

天近剛風吹面寒繡衣玉立白雲間滄波萬頃海
南海翠碧幾重山外山自覺登臨無限意誰思富
貴不如閑前峯若箇神仙宅指點烟霞見一斑
菊坡崔叅政說平叛卒不得已拜經略之命

豈敢言功

角巾私第自逍遙諸老之中此老高無可柰何懷
印綬甚非得已用弓刀風生玉帳千兵肅天落金

牌一札褒緩急經心護鄉井生憎兒輩說功勞

題處士黃公山居

行盡松坡與竹坡沿溪窈窕上山阿山深每恨客
來少寺近莫教僧到多但覺洞中人不老不知雲
外事如何邊頭又報真消息艱使來朝乞講和

題何季湧江亭

勝槩何妨近市塵紅塵踈處著三椽數重青嶂橫
天末一道澄江在眼前海浪浴紅朝出日樹林堆
碧晚生烟請君分付堤邊石莫使漁翁來繫船

別鍾子洪

識得潮陽鍾子洪今人可想古人風文章有氣吞
餘子天地無情負此翁問舍求田非細事參禪學
佛見新功欲知別後真消息莫惜頻書寄海鴻

再賦惜別呈李實夫運使

一生飄泊老江湖今日別公歸故廬此去怕無相
見日因風或有寄來書雲烟過眼時時變草樹驚
秋夜夜踈人物似公能幾輩不知天下竟何如
蕭學易何季臯和作別詩佳甚再用前韻

少年行脚白頭歸不負平生汗漫期
望斷海山雲漠漠愁生江路草
離離一篇玉絮登樓賦幾首巴
陵送別詩獨倚篷窓無意緒
瓦盆傾酒憶金卮

靈洲

一臺中立鬱蒼蒼四面山光接水光
潮信往來知氣候龜精出沒兆災祥
烟生茶竈僧留款風展蒲帆客去忙
白髮東坡在何許兩行遺墨照琳琅

和韶州許使君令子送別之韻

詩瘦吾非沈隱侯五窮相值結為讐
方愁度嶺無

相識却喜聞韶到此州世道從來三不合
客行何止七宜休故人知我平生事肯笑蘇秦着弊裘

南安王使君領客湛泉流觴曲水

橫浦堂前舉一卮古榕陰下坐多時
連朝好雨千山潤昨夜新一作清秋一葉知
梅嶺鄉來逢行驛一作驛者蘭亭今日又羲之家聲不墜一作傳家尚有風流在如見初寮說好詩

題鄒震甫江山偉觀

入境橫陳淦水濱異鄉誰識倚樓人
江山不越一作

乾坤大烟雨翻成風月新十載經營梅屋趣三間
突兀草堂隣題詩未得驚人句從此登臨莫厭頻
去年訪曾幼卿通判携歌舞者同游鳳山僕
有歌舞不容人不醉所樽前方見董嬌嬈之句
今歲到鳳山又闢西隅築堤種柳新作數亭
且欲建藏書閣後此工佳麗皆屏去之矣僕嘉
其志又有數語併錄之

一丘一壑自逍遙莫恠山人索價高是處園林可
行樂同來賓客不須招臨風桃李花狼藉照水樓

臺影動搖歌舞不容人不醉樽前方見董嬌嬈
別駕常懷物外心黃金屢費買山林後堂不肯著
歌舞高閣唯思貯古今幾處亭臺新結束一春風
雨阻登臨野夫昨日閑乘興看殺尋詩到柳陰

撫州謝樓宗丞見訪

客裏門庭可設羅使君千騎肯相過心忘貴賤交
游重論及興衰感慨多諸老逢時起定處一處何
日罷干戈老夫何預人間事歸去辭滄江作理釣
簑

平江呈毅夫侍郎

龍墀射策三千字未抵胸中十萬之兵遠大無過為
將相文章爭似立功名當今天下豈無豪傑獨數君
家兩弟兄世事從橫人事左未知行以措昇平

見淮東制帥趙南仲侍郎相往厚甚特送買

山錢又欲刊石屏詩置于揚州郡齋話別叙

謝

如公當向古人求識面何須萬戶侯浪說釣鰲游
瀚海真成騎鶴上揚州受恩多處難為別宿酒醒

時始覺愁回首平山堂下路不堪風雨送歸舟

多一作深

鎮江別總領吳道夫侍郎時愚子琦來迎侍朝

夕催歸甚切

落魄江湖四十年白頭方辦買山錢老妻懸望占
烏鵲愚子催歸若杜鵑濟世功名付豪傑野人事
業在林泉難禁別後相思意或有封書寄鴈邊

董侍郎山園燕樓宗丞

旌旗千騎擁春華傾動臨川十萬家皂蓋出郊因
問柳紫荷領客共看花罇前人唱鶯隨唱堂下吏

石渠卷六 八十五
衙蜂亦衙寄語風流賢太守好留醉墨伴烟霞

聶侍郎領客觀園林之勝飲中出示名賢書畫

烈士家風從橐尊時容野客上朱門如登東觀圖
書府又似西巖水竹村自以一閑銷日月誰知萬
慮滿乾坤諸公衮衮成何事不若花前對酒罇

思歸二首

吟詩不換校書郎但欲封侯管醉鄉踈懶無成嵇
叔夜清狂似達賀知章安貧不怕黃金盡既老從

教白髮長百計不如歸去好子孫相對說農桑
老矣歸歟東海村長裾不復上王門肉糜豈勝魚
羹飯紈袴何如犢鼻褌是處江山如送客故園桐
竹已生孫分無功業書青史或有詩名身後存

趙用甫提舉夢中得片雲不隔梅花月之句

時被命入朝雪中送別用其一句補以成章

一時議論動諸公有詔西來玉節東又見清朝更
大化好趨丹陛奏孤忠片雲不隔梅花月一雪翻
成柳絮風把酒莫辭今夕醉明朝車馬去匆匆

長沙呈趙東巖運使併簡幕中楊唯叔通判
諸丈

日莫遠塗行未休白頭又作長沙遊湘江一點不
容俗岳麓四時皆是秋香草汀洲付騷客紅蓮幕
府聚名流吟邊萬象寫不得上有風流趙倚樓

山中見梅寄曾無疑

自號雲巢名三異臨江

車人

香動寒山寂寞濱直從空谷見佳人樹頭樹底參
差雪枝北枝南次第春有此瑰琦在巖壑其他草
樹亦精神移根上苑誰云晚桃李依然在後陳

余惠叔訪舊

扁舟訪舊入橫塘新柳今如舊柳長室邇人逢春
寂寂風流雲散事茫茫縱題紅葉隨流水誰弄青
梅出短牆政是流郎愁絕處杜鵑不斷叫斜陽

兩山趙仁甫宰臨安有武學生張丈相訪酒
邊弄刀舞劍甚可觀因成七言縣乃錢王故
宮九龍十錦皆其地

風流晉宋時人物花縣鳴琴調甚新不厭開樽留
劍客仍能下榻待詩人九龍池館空陳迹十錦山

川自好春但見清吟度白日不知佳政最宜民
友人朱淵出示廷對策不顧忌諱讀之使人
凜凜受淮東制置辟

龍墀射策對明君憂國忠言駭見聞皎皎一心如
白日寥寥千古再朱雲時危諸老皆求去兵滿三
邊未解紛要使文臣知武事不妨王粲且從軍

來司直見訪留款

清風爲我拂塵襟坐聽先生說古今道誼欲灰傷
世變利名如海溺人深一言可重輕雙壁片善相

資直萬金聞道門墻不多遠明朝修教到山陰僕時

寓興隆東湖
來居西山下

訪張元德號主一道
學中人

今宵何幸宿書林議論從橫感慨深黃卷具傳千
古意青燈照破幾人心狂夫嗜飲夜偷酒汙吏容
私書攫金堯舜君民舊風俗凡經幾變到于今

滕審言相遇話舊

憶昨同君訪月林幾年相別到于今江山花草生
詩夢風雨憂愁長道心久矣無波觀古井悠然得

趣聽鳴琴一生奔走成何事塵滿征衫雪滿簪

陳子孟參陳明子同游麻姑山

麻姑壇上共登臨野客悠然起道心丹井汲泉深
百尺星杉聳壑到千尋青蓮花白僊蹤遠烏柏葉
紅秋意深何用金槃擘麟脯山肴濁酒可同斟

興國軍晚春簡吳提幹

幾夜林間哭杜鵑東風又作落花天青春不覺過
三月白髮誰能滿百年日射江波光閃閃天連烟
草碧芊芊異鄉欲作登樓賦心逐歸鴻到海邊

朱子昂司戶登滕王閣

帶鄂州雪醅來飲

笑傲不禁秋興長登臨誰復問滕王江湖周折地
襟帶雲霞粲爛天文章人如野鶴何飄逸日送飛
鴻去渺茫安得雪醅三百斗發君豪氣對吾狂

汪給事守鄂渚元宵代江夏宰吳熙仲獻燈

鄂州新得主人翁今歲元宵便不同燈火夜深回
晝日管絃聲動起春風遼天月借三秋白陸地蓮
開十丈紅妙手信能移造化速宜歸去補蒼穹
一晴收盡四山雲天與黃堂作好春西楚東吳獻

風月南樓此榭擁星辰扶持入郭觀燈叟歌舞攔
街醉酒人此是太平真氣象今年第一箇良辰

袁州化成巖李衛公請居之地

一巖端坐挹千峯三兩亭臺勝槩中江水驟生連
夜雨松聲吹下半年風因思世故吾頭白獨步林
臯夕照紅欲吐草茅憂國志誰能喚起贄皇公

友松亭代松語

從來巖壑守孤蹤豈料移歸寶籞中幸在交游一
人數願勤培植百年功朱門縱有三千客青眼毋

忘十八公根本既深枝葉茂相期直上碧霄中

京口別石龜翁際可

把劍樽前砍地歌有何留戀此蹉跎心期難與俗
子道世事不如人意多蓮葉已空猶有藕菊花雖
老不成莎扁舟四海五湖上何處不堪披釣蓑

讀放翁先生劍南詩草

茶山采鉢放翁詩南渡百年無此奇入妙文章本
平澹等閑言語變瑰琦三春花柳天裁剪歷代興
衰世轉移李杜陳黃題不盡先生模寫一無遺

古田縣行覽呈劉無競

客游花縣自逍遙百里風光在兩橋語出桑陰鳩
婦喜身穿麥秀雉雛嬌青山一任雲來去綠水多
爲風動搖上下相安長官好野亭閑坐聽民謠

諸葛仁叟縣丞極貧能保風節有權貴招之不屑其行
時人誰識老龍聾丞滿口常談杜少陵俗輩衆多吾

輩少素交零落利交與權門炙手炎如火詩社技
身冷似冰堪笑皇天無老眼相知賴有竹林僧

萬安江上

不能成佛不能

成作

僊虛度人間六十年鏡裏姿容

雖老矣酒邊意氣尚飄然安排玉白花紅句趣辦
橙黃橘綠天無柰秋風動歸興明朝問訊下江船

過昭武訪李友山詩社諸人

吟過長亭復短亭喜於溪上訪詩朋雕鏤已被天
公怒狂猶仍遭俗子憎故故愁人長夜雨明明照

我短檠燈休思京口相逢日喜兩樓中賦大鵬

李友山諸丈甚喜得朋留連日久月洲乃友

山道疏

此身到處自悠悠一笑非為越女留風雨不妨難
戒曉江湖又見鴈橫秋途中有客居岩谷天下何
人似月洲頗欲相從溪上住諸君許我卜隣否

韻一作酒徒日日通來
社詩社時時肯唱酬

飲中

布衣不換錦宮袍刺骨清寒氣自豪腹有別腸能

貯酒天生左手慣持螯蠅隨驥尾宜千里鶴在鷄

群亦九臯賢似屈平因獨醒不禁顛顛賦離騷

陪徐淵子使君登白雪樓約各賦一詩必以

宋玉石對莫愁村

樓名白雪因詞勝千古江山春雨餘宋玉遺蹤兩

蒼石莫愁居處一荒墟風橫烟艇客呼渡水落沙

洲人網魚借問風流賢太守孟亭添得野夫無

崔郢州薛孟浩然于樓上遂有浩然亭後人尊浩然
改爲子孟亭徐使君詩併錄于此水落方成放牧
坡水生還作浴鷗波春風自共挑花笑秀色偏於
麥壠多村號莫愁勞想像石名宋玉謾摩挲試將

有袴無襦曲翻
作陽春白雪歌

靜齋張敏則舍人贈詩因用其韻爲酬

胸次詩書一派清學如耕稼到秋成十年閉戶存
吾道萬事無心逐世情葉落花開關氣數山長水
遠是功名摩挲老眼看新貴九鼎鴻毛孰重輕

客游

不能鬱鬱室中箴大笑出門游四方與世周旋持
酒盞觀人勝敗坐碁坊倒餐甘蔗入佳境書着錦
衣歸故鄉此志十年猶未遂倚樓心事楚天長

都下書懷

京華作夢十年餘不道南山有弊廬白髮生來美
人笑黃金散盡故交疎明知弄巧翻成拙除却謀
歸總是虛出處古人都說盡功名未必勝鱸魚

新安寒食

不擬今年到歙州要知行止豈人謀一百五日客
懷惡三十六峯春雨愁老矣此身猶道路淒其歸
夢繞松楸花瓢僊子無由見千里江山負遠游

烏聊山登覽

石屏山卷六
六十一
抖擻囂塵上翠微
旁溪寺上坐題詩
忽聞啼鳥不知處
細看好山無厭時
風掃雲烟開遠景
人携香火謁叢祠
客來千里登臨意
說與時人未必知

癖習

平生癖習未全除
虛事經心實事疎
爲惜落花慵掃地
每看脩竹欲移居
逢人共作亡何飲
撥冗時觀未見書
爭柰一貧隨我在
思量不若把犁鋤

田園吟

俗語桐樹發花茶戶大
家久云樹無拗手無杯

自古田園活計長
醉敲牛角取宮商
催耕啼後新

秧綠鍛磨鳩持大
麥黃桐樹着花茶
戶富梅林無實林
田荒狂夫本是農
家子拋却一犁遊
四方

九日登裴公亭得無災可避
自登山之句何季臯
滕審言爲之擊節足以成篇

良辰樂事兩相關
不可不求今日閒
有酒能賒堪薦菊
無災可避自登山
心懷屈賈千年上
身在瀟湘八景閒
好向樽前開笑口
人生枉自作愁顏
趙升卿有官不肯爲
里居有賢聲訪之於深

巷中

深居陋巷不妨幽翠竹當門水滿溝每遇事來先
覺懶欲為官去又還休田園自樂陶元亮鄉里多
稱馬少游除却讀書無所好有時閑作北巖遊化
成巖也

括蒼石門瀑布

少泊石門觀瀑布明知是水却疑非亂拋雪玉從
天下散作雲烟到地飛夜聽蕭蕭洗塵夢風吹細
細濕人衣謝公蠟屐經行處聞有留題在翠微

杜門自遣

世事茫茫心事灰衆人多事處我驚回閉門不管花
開落避俗唯通燕往來富貴在天求不得先陰轉
地老相催平生任達陶元亮千載神交共一杯

登快閣黃明府強使和山谷先生留題之韻

未登快閣心先快紅日半簷秋雨晴宇宙無邊萬

山立一作今古如雲烟不動八窓明飛來一鶴天

相近一作秀巖萬過盡千帆江自橫借問金華老

僊伯幾人無黍入詩明

滕王閣次韻劉之叔

消遣客懷尋勝事酒杯詩卷得同携當年傑閣樓
龍子今日空梁落燕泥斜照浴紅秋水上好山橫
碧盡欄西幾人登覽皆磨滅唯有前峯壓不低
竹洲諸姪孫小集永嘉蔣子高有詩次韻
美景能兼樂事難愁來唯仗酒遮攔昂歲病骨兼
詩瘦料峭春風帶臘寒喬木尚疑前輩在好花應
笑老人看忍拋明月先歸去輸與諸郎徹夜歡

游雲溪與郡宴用太守韻即事二首

溪堂久矣無人到千騎傳呼五馬來流水奔騰砥

柱立好山呈露晚雲開指揮壯士馳驍騎管領衰
翁吊古梅笑問風流羊叔子幾人登覽不塵埃
官府太平無一事凝香座上着衰翁飄搖短棹游
方沼縹緲高樓倚半空把酒夜深霜落後吹簫人
在月明中使君笑指一作立梅花說一作去歲今年事不
同

去歲臘月十一夜寇至

和高與權

相逢休說昧平生高適能詩久擅名欲課荒蕪來
入社羞將老醜對傾城近來客裏仍多病強向花

前舉一觥樂極自傷頭白早一作早白樽前知我孟雲卿

懷雪蓬姚希聲使君

唐姚梁公作水壺賦雪蓬有碑

寒入疎蓬夜雪深是非難辯口如瘡一官不幸有
奇禍萬事但求無愧心想像騎牛開畫卷丁寧回
鴈寄來音傳家一首冰壺賦未信橫舟竟陸沉

其二

有感中來不自禁短長亭下短長吟梅花差可強
人意竹葉安能醉我心世事無憑多改變仕途相
識半昇沉一作龍隱湘江春水摩挲老眼從頭看

只有青山無古今有一作百

豫章東湖宋謙甫黃存之酌別

湖邊長記昔年游生怕清波照白頭楊柳蕭疎多
困雨芰荷顛顛早驚秋無功及物談何益有酒開
懷醉即休江上買舟猶未定明朝尚可為君留

都中懷竹隱徐淵子直院

手携漫刺訪朝官爭似滄洲把釣竿萬事看從今
日別元原叫起古人難菊花到死猶堪惜秋葉雖
紅不耐觀多謝天公憐客意霜風未忍放深寒

入日

自換端平新曆日眼看日月倍光輝南州有雪古
來少人日不陰今見稀鼓舞萬方觀德化轉移一
世屬天機朝廷有道吾君聖辦作昇平老布衣

送劉鎮叔安入京

謫居三山二十餘年真西山奏令自便趨用父使君為唱餞其行坐客二十八人分韻賦詩得君字

二十餘年謫宦身此行便可上青雲西山一手為
推轂南浦幾人爭送君橫水流傳無垢集海神驚
見老坡文回頭莫有關情處別酒須教滿十分

三山林唐傑潘庭堅張農師會于丁巖仲新
樓

又携詩卷到南州塵滿征衫雪滿頭桃李春風故
園夢江山落日異鄉愁樽前一笑真奇事坐上諸
君盡勝流政倚清談洗胸臆莫教王粲賦登樓

次韻杜運使見贈

飄零敢說是詩人故舊多居要路津窮賤交游誰
復記江湖蹤跡早成陳無心涉世當歸隱有口逢
人肯說貧家在翠屏山下住茅廬雖小可容身

訪漳州趙用父使君

幸遇故人爲太守客來不憚路程遙
九龍山水連滄海五馬聲名動紫霄
一意奉行寬大詔多君不負聖明朝
欲知惠愛及人處聽取街頭賣炭謠

見曾提刑兼安撫鴻甫侍郎子也

傳家學術用如新風采英英照七閩
澄按併開都督府平反專奉太夫人
關河未定心憂國麾節相仍澤在民間
說青雲多故舊不應久作外臺臣

思歸

地上皇皇蟻虱臣着衣天飯亦君恩
不能待詔金鑾殿嘗欲獻詩光範門
身在草茅憂社稷恨無毫髮補乾坤
才疎命薄成何事白首歸耕東海村
躬耕海上奈無田乍可經營買釣船
未有人供令狐米欲從鬼借尉遲錢
回頭歸路三千里藉手還鄉五百篇
幸遇太平時節好白雲深處了殘年

趙克勤曾索卿景壽以登黃南恩南樓

欲從高處賞新秋上盡層樓更上樓
天地無窮吾輩老江山有恨古人休
寧隨狡兔營三窟且跨飛

鴻閱九州憶着當年杜陵老一生飄泊也風流
鄂州南樓不可到到此南樓眼亦肯乾坤日月與
高致城郭江山無遁形把酒縱談心耿耿倚欄遐
眺髮星星世間萬事關愁思莫使秋風吹酒醒

山行遇秀癡翁

新冬行樂賞新晴幾箇江湖借友朋霜蟹得橙同
臭味一作是水可臨山可帶梅化與菊作交承樽前
盡是論文客林下那逢一作好事僧機解到時言語
別李翱詩句入傳燈

石亭野老家

野老將余到石亭先呼小豹出相迎依凭林谷住
家穩奔走兒童見客驚牛豕與人爭徑路桑麻繞
屋蔽柴荆溪邊不合栽桃李猶恐春風惹世情

讀王幼學上殿劄子

才到朝廷被論歸孤忠幸有九重知神醫能識未
蘇病國手難翻已敗碁四海爭傳治安策諸公如
在太平時老夫懷抱緣何事未到秋來早自悲

謝史石窓送酒并茶

遣來二物應時須客子行廚用有餘
午困政須茶料理春愁全仗酒消除
不勝歡喜拜嘉惠無限慙慙作謝書
君既有來何以報一牀蘄簟兩淮魚

閱舊稿見喬丞相詩跋因成此詩

三十年前舊詩冊兩行鈞翰儼如新
自甘白屋爲寒亡敢說黃扉有故人
五雨十風勤燮理九州四海費經綸
年踰八十貂蟬貴不負明君恐負身

衡陽度歲

爲懷賈誼到長沙又過衡雲湘水涯
詩酒放懷真

是癖江湖久客若無家茫茫萬事生
春夢草草三杯度歲華把定東風笑相問
忍將桃李換梅花

遇張韓伯說邊事

每上高樓欲斷魂
公江市井幾家存
飛鴻歷歷傳邊信
芳草青青補燒痕
北望苦無多世界
南來別是一乾坤
相逢莫說傷心事
且把霜螯薦酒樽

有議袁蒙齋者

世上苦無公是非
譏評人物信猶疑
鏡中妍醜無私照
碁上高低有誤時
懷古尚餘喬木在
傷春唯

許落花知黃金可辦將何用鑄出當年鍾子期

醉吟

草茅無路謁君王白首終爲田舍郎近讀南華資
曠達欲師西洛愧荒唐乾坤萬象供詩料風月一
樓爲醉鄉日晚棲禽歸自樂飛鳴不是怨斜陽

慈雲避暑

相邀避暑到慈雲細聽諸君講見聞六月美宣歌
北伐五絃思舜奏南薰不憂冷澹無歡伯自致清
涼有此君想像當時河朔飲樽前不用着紅裙

久客還鄉

短簷紗帽舊麻衣鐵杖扶衰步履遲老去分爲無
用物客游誰道有歸時豐年村落家家酒秋日樓
臺處處詩生長此方真樂土江淮百姓政流離

聞時事

昨報西師奏凱還近聞北顧一時寬淮西勲業歸
裴度江右聲名屬謝安夜雨忽晴看月好春風漸
老惜花殘事關氣數君知否麥到秋時天又寒

寄趙德行

嘗有免諸公進詩之說

平生幸甚識諸公未免歸爲田舍翁詩稿敢求經
御覽客身自笑坐天窮肯將釣手遮西日獨聳吟
肩訴北風枉使西山有遺恨不能置我玉堂中

到鄂渚

連宵歌舞醉東樓不信樽前有別愁半夜月明何
處笛長江風送故人舟十年浪迹游淮甸一枕高
眠到鄂州明日擬蘇堤上看當春楊柳政風流

艤棹清江

艤棹江濱訪舊游十年重到戲漁洲不知芳樹在

何許但見落花從此流我醉初眠因假榻客行未
定且登樓有錢贖買張家酒準備明朝話別愁

萬安縣芙蓉峯

凌空傑閣爲誰開隔岸芙蓉不用栽今古相傳彩
雲現江山曾識大蘇來酒邊歌舞共一笑客裏登
臨能幾回翠浪玉虹從此去明朝人在鬱孤臺

汪見可約游青原

來訪青原古釣磯溪流袞袞濯龍竒一茶可款從
僧話數局爭先對客碁雲雨那能敗吾事山林政

喜得君詩石頭路滑籃輿心換得扁舟在水湄

除夜

掃除茅舍滌塵囂一炷清香拜九霄萬物迎春送
殘臘一年結局在今宵生盆火烈轟鳴竹守歲筵
開聽頌椒野客預知農事好三冬瑞雪未全消

黎明府約尋梅

霽雪園林粲陸離九峯山下探梅時三川風月醉
中見百里襟懷琴上知老樹著花春到早長街籠
燭夜歸逢奚囊一路生光采中有琴堂唱和詩

葉宗喬爲令叔求竹山詩

愛竹舊稱王子猷今君異世等風流山中便是清
涼國門下合封瀟灑侯有此一堂真可隱不妨諸
姪與同游吟邊想像參差綠許我携琴一到不
一景分明似渭川竹山堂好以人賢蘭亭價爲羲
之重峴首名因叔子傳紫翠數峯長在眼琅玕萬
箇欲參天老夫身墮塵埃底遙挹清風亦洒然

春日風雨中

瀟瀟風雨閉柴門年紀衰頹病着身大似梁鴻居

海曲略如公幹卧漳濱三春晴暖無多日一世安
閑有幾人聞道明朝新醞熟不妨祭竈請比隣

寄吳明輔秘丞

吾鄉幸有吳夫子星斗網羅文字胸百鳥收聲聽
鳴鳳千山落木秀孤松旁通滄海江山水高壓雲
城恰憤峯每見一斑三歎息白頭未得奉從容
七十七翁猶眼明三台星畔見奎星文章有氣吞
餘子議論無差本六經愧我不能攀逸駕得君自
足振頽齡玉溪常與荆溪接分得餘波到石屏

靈洲梅花

穿林傍水幾平章合有春風到草堂自入冬來多
是暖無尋花處却聞香枝南枝北一輪月山後山
前兩履霜直看過年開未了醉吟且放老夫狂

寄廣西漕陳魯叟誥院

回首元龍百尺樓一時詩酒記同遊好山歷歷在
人眼流水滔滔任客舟歸鴈欲從何處去落花恨
不爲春留錦囊佳句無人問自別君來白盡頭

隨軍轉運司王宣子上巳日會客

邊頭相遇若相期又見隨軍轉運司憶昨醉君京
口酒傷今讀我石壕詩蘭亭飲客酬佳節淝水收
功定幾時準擬看花花較少春風全在綠楊枝

湖廣李漕革夫大卿飲客西湘湘一作湖

管領風光此會稀坐中賓客總能詩神仙有洞尋
難見山水當軒看轉奇春不再生陶侃栢人來多
打李邕碑因思屈賈傷今古國有忠臣無用時

曾雲巢同相勉李玉澗不赴召

詔書催赴紫宸班九奏君王乞掛冠日暮倒行非

我事

一作

急流勇退有何難地靈不隱金砂勝秋水

長流玉澗寒好把山林寄圖畫試教天下故人看

寄撫州樓使君

夢上江西江上船行隨五馬五峯前臨川太守賢
無敵玫瑰先生學有傳佳政可書循吏傳斯民共
樂太平年不知擬峴臺前景公暇清吟得幾篇

江山一作江上

借得茅樓一倚欄見成詩句滿江天歸鴉啼處客
投宿野鴨飛邊人上船老眼尚嫌隨物轉閑心可

惜被貧牽平生錯做功名夢金印何時須一作二頃
賢一作田

京口遇薛野鶴

天下江山第一州可能無地着詩流黃金不愛買
官職白髮猶堪上酒樓懊恨牡丹遭雨厄叮嚀芍
藥爲春留狂吟有禁風騷歇語燕啼鶯代唱酬

題邵武熙春臺呈王子文使君

步到風烟上上頭恍如造物與同游千山表裏重
圍過一水中間自在流近郭樓臺隔雲見鄰峯鐘

磬出林幽風流太守詩無敵有暇登臨共唱酬

秋日病餘

桂子吹香風露深老夫吟了聽蟬吟秋來賸有行
山興病後全無涉世心詩苦積成雙白髮酒豪輕
用萬黃金平生意氣今如許獨抱傳家一破琴

次韻郡倅王子文小園詠春

州縣徒勞喜近民間何事不關身誰知風月臺
中客自是絲綸閣上人萬縷綠垂楊柳雨一梢紅
破海棠春小園暫作風光主朝馬行隨輦路塵

安豐倅李華被旨監軍入閩討賊華身督諸
將先破賊巢穴所鄉輒勝招捕使之成功監
軍之力居多守汀州四年民賴以安有應變
壓難之才傑遊汀邵間實知其詳為賦二首

一作為
作二詩

三年壯士起淮濱賈勇從公定七閩在昔猩鼯中
夜嘯而今桃李萬山春臨危性命輕如葉破敵機
鋒妙若神自此南人不知反使君還亦是天人作
壯
羣
破
敵
機
鋒
妙
獨
神
在
昔
猩
鼯
長
夜
嘯
而
今
兆

李萬山春南山自此不
復返北望閩河事業新

英雄踈畧書生腐守調如公天下無眼底紛紛付
談笑胸中事有規模從他要路爭馳轂獨坐偏
州再剖符平寇功成在誰手亂山深處問樵夫

海上魚西寺

北風三日弭行舟登陸因為島寺游自笑奔馳如
野馬本無拘束似沙鷗人誰與語自緘口山有可
觀頻舉頭小雨踈烟晚來景老僧相對倚鐘樓

甘窮

自甘寂寞坐詩窮何取多牛積穀翁
痛飲不孤連夜月浮生禁得幾秋風
芙蓉媚日紅相對螿蟬著霜黃在中
白盡鬚毛無可老此身未死抑愁儂

詠梅投所知

潔白無瑕美不嬌
炯如珠玉粲林臯
獨開殘臘與時背
奄勝衆芳其格高
欲啓月宮休種桂
如何仙苑却栽桃
不將品質分優劣
痛飲花前讀楚騷

炯一作爛

黃州竹樓呈謝國正

每日黃堂事了時
一心惟恐上樓遲
發揮天地讀

周易管領江山歌
杜詩切戒吏來呈簿曆
常邀客至共琴碁
風流太守誰其似
半似元之半牧之

漢陽登覽呈王中甫使君

西州城郭雖然小
江漢規模壯矣哉
大別山頭觀禹迹
楚波亭上望吳臺
蕭蕭修竹鳳不至
漠漠平沙鴈又來
五馬相邀共登覽
欲酌秋興費詩材

簡陳叔方問病

聞君卧病知何病
醫者難從脉上尋
自是讀書多損氣
或緣憂國重驚心
飽參妙理牀頭易
細寫幽

懷勝上琴蛇影無疑自無恙此方何止直千金

鍾春伯園林

西風吹起萼鱸興八座歸來有此山林麓兩峯亭
榭外瀟湘一片水雲間天生景物四時好人滿乾
坤幾箇閑語喚石屏非浪語常思蠟屐共躋攀

清明前夢得花字

白頭那辨老生涯幸有癡兒可主家百歲光陰一
場夢三春消息幾番花掃松預造清明酒入峽先
租穀兩茶隨分支吾度時節那求不死煉丹砂

題王制機池上千岩奇觀

華堂掩映一池清着此崔巍若化成胸次玲瓏具
丘壑世間髣髴見蓬瀛碧雲堆上千峯立綠水光
中萬象生欲去河陽種桃李回頭又覺宦情輕

訪慧林寺僧因有詩

故人有約訪鄉僧少坐西林待晚晴雙燕護雛更
出入群鴉攫肉鬪飛鳴長溪積水流無盡古木號
風訴不平一段見成公案在請君判斷要分明

陳漕領客西園賞海棠

追隨玉節賞仙葩滿座風流客更嘉錦綉有光揮
竹影玳珠無價買春華猩紅滴滴嬌含蕊雪白紛
紛老半花肯對騷壇輕着語后山詩句已名家

王和甫主簿卜地改葬雙親一夕夢到一處
風水佳甚及到鴈蕩羅漢寺後山宛如夢中
所見及造壙衆石之中獨有一穴僅可容雙

棺孝感如此

仇香竭力奉雙親孝感於天得此墳衆石中藏一
抔土來山面對五峯雲龜鸞遠近參差見龍虎低

昂左右分早見凌雲牡丹現他年朱紫定紛紛

龜峯爲峯前有凌雲
岩時有牡丹花現也

喜梅雨既晴

屋角鳴禽弄好音樓頭夏木綠陰陰鑷空白髮愁
根在熟盡黃梅雨意深苔榻有泥妨客坐稻田足
水慰農心老夫已作豐年想鼓腹思爲擊壤吟

李司直會客吳運幹有詩次韻

使君高會集群仙也使狂夫坐細氈白壁一雙酬
議論青春十載棹舫船客愁遇酒退三舍梅信與

春開一先已辨扁舟明日去幾時重得到花前
一相識無辜獲罪

一宿津亭睡不成愁來物物是離情月輪高掛山河影江浪巧爲風雨聲志士失塗爲鬼笑佳人泣血送君行塞翁得馬非爲福公論如天久自明

送黃教授日巖之官章貢

久矣聞名不相識江湖還有見君時出人意見表發高論入我眼中多好詩欲對春風開笑口不堪世事上愁眉憑誰寄語一作謝安石莫爲蒼生起太

遲

時召崔丞相不出

家居復有江湖之興

寒儒家舍只尋常破紙窓邊折竹床接物罕逢人可一作好語尋春多被雨相妨庭垂竹葉因思酒室有蘭花不炷香到底閉門非我事白鷗心性五湖傍

題亡室真像

求名求利兩茫茫千里賦悼亡夢并詩成增悵恨鼓盆歌罷轉淒涼情鍾我輩那容忍乳臭諸兒最可傷拂拭丹青呼不醒世間誰有返魂香

題趙忠定公雪錦樓詩

斷句云早晚扁舟會東下莫占衡岳問歸程人以爲後來謫君之譏云

九鼎重安國勢牢功名易辦謗難逃手扶日月掃
雲霧身向江湖直羽毛雪錦詩成先識兆金滕書
啓見勤勞紛紛論定知忠定不負朝廷兩字褒

陪厲寺丞賞芍藥

黃堂開宴領佳賓白鷺青原景一新寄興江山擅
名勝折衝樽俎靜風塵醱醱壓架垂垂老芍藥翻
階楚楚春從此廬陵作佳話平分風月兩詩人

次王應求韻

逐日輪蹄走四方來來去去爲何忙無人肯問山
林樂舉世爭趨名利場以道自脩身是寶無求何
用智爲囊愛梅栽竹平生語吐出清風六月涼

郡圃寒食

與民同樂一開園佳節何曾禁得烟拍岸綠波浮
舴艋翻空紅袖打鞦韆眼看花柳心如醉身在蓬
瀛我亦仙明日徐翁墳上約欲求竹帚恐無緣

杜仲高相遇約李尉

胸中無地着塵埃有我唯堪把酒杯苦恨好山移
不得生憎俗客去還來秋風吹老東籬菊春信攬
開北嶺梅管領風光須我輩急吹短笛棹船回

題蕭宰十二詠堂三山兩水之亭

百載園林復故廬收功全在五車書一翁二季蘇
家樣三水兩山喻曲居十二詠成傳不朽三千篇
出又何如年來事事如人意敢請先生賦遂初

陪虞使君登岳陽樓

片帆飛過洞庭來百尺巍巍水面開疑泛靈槎上

河漢如從弱水到蓬萊釣天廣樂無聞矣袖劍仙
人安在哉物物盡隨波浪去君山一點獨崔嵬

贈洞霄道士

高枕清流卧白雲靈龜骨相鶴精神凡爲九鍊山
中客定是群仙數內人馴虎岩前攀逸翠蚊亭
下濯征塵練師莫笑狂夫老乞我金丹養病身

閱世

一懶一愚兼一癡從教智士巧能爲坦途失脚溪
山險暗室萌心天地知江水長流無盡意夕陽雖

好不多時老夫閱遍人間事欲和寒山拾得詩
積鏹多金生怨尤一温飽外更何求自甘韜遁陶
元亮不愛羸餘馬少游何取纍纍魚若若終成莫
莫與休休花前適意三杯酒萬事忘機對白鷗

少筭

吾生落落果何爲世事紛紛無了期少筭人皆嘲
我拙多求我却笑人癡庭花密密踈踈蒞溪柳長
長短短枝萬事欲齊齊不得天機政在不齊時

南康六老堂

廬山脚下開亭館柰此千峯百嶂何逸少大書池
上墨少陵狂作醉時歌碧荷秋老香猶在好月夜
深明更多五老揖君天上笑把杯相對酌金波

韓張亭

昌黎請宰臨武相會于此亭

張衡史事連山二公

此地曾棲雙鳳凰登高懷古北風涼忠規萬乘龍
顏絜謫遇千山鳥道荒百里隣居天作合兩賢名
與日爭光幾人緘口貧官職身在朝廷志已忘

處世

風波境界立身難處世規模要放寬萬事盡從忙

裏錯一心須向靜中安路當平處行穩人有常
情耐久看直到一作始終無悔吝旁生一枝葉便多端
送別朱兼會

恰喜相逢又語離愁於江上送君時
月談未了風吹斷白髮可憐天不知
樗木自肥傷竹瘦海棠
放笑梅遲黃堂若問痴頑老新有登樓二十詩

題王制機新樓

綠雲圖上新輪奐彈壓江山氣勢豪
手拍危欄星斗日窮滄海見波濤
人間何處望不到天下有

樓無此高俯視河陽桃李巷清風吹斷市塵囂

呈姚顯叔奉親送死極孝

鴈去多年缺寄音扁舟無復到山陰
卧牛崗上經過少下馬陵前感慨深
細讀文公千字誄足知孝子一生心
無才爲作招魂些自有悲風宰樹吟

題姚顯叔南嶼書院

朝夕置身書卷間紛華滿眼幾曾看
山林不受塵埃澆屋宇無多氣象寬
立脚怕隨流俗轉留心學到古人難
漫山桃李爭春色輸與寒梅一點酸

寄朱仲是兼僉

光陰日夜催吾老已作鷄皮鶴髮翁萬事裝成百
年夢五行注定一生窮殘花但有凋零分枯木難
沾造化功若見黃堂煩寄語何如停我雪樓中

寄項宜甫兼簡韓右司

匆匆不暇去相違草草吟成送別詩千里江山客
行遠三秋風雨桂開逢安居但欲無公事舉枉終
須有直時若見右司煩寄語世間公道要扶持

閱四家詩卷

翁際可薛沂叔孫季蕃高九萬

閱盡四家詩卷子自然優劣在其中石龜野鶴心
相合菊欄花翁道不同鳴鳳翔翔上霄漢亂蟬蕭
瑟度秋風一篇論盡諸家體憶着當年鞏驢翁

謝吳秘丞作石屏集後序

說破當年舊石屏自慙無德又無能鄉來江海疎
狂客今作山林老病僧高卧一樓成宇宙冷看獨
影當賓朋惡詩有誤公題品不是夔州杜少陵

有感

老子生來世法疎白頭思欲把犁鋤摩挲此腹空

無物僥倖虛名愧有餘憔悴不堪漁父笑寒溫無
益貴人書詩家幸有嚴華谷襟誼猶能眷眷予

湘中

一棹無情度碧湘行行不脫水雲鄉旗亭少飲村
醪薄田舍新炊晚稻香蕭鼓遠來朝嶽去包籠爭
出趁虛忙塗人有愧黃居士十載看經不下堂

九日楮洲舟中

幾年重九客他州少泊楮田古渡頭人向飲中言
我樂誰知笑裏是吾愁黃華可忍拋三徑白髮猶

堪柰幾秋今日登高無處所一樽携上枕江樓

曾景建得罪道州聽讀

聞說烏臺欲勘詩此身幸不墮危機少陵酒後輕
嚴武太白花前忤貴妃遷客芬芳窮也達故人評
論是耶非飽參一勺瀟溪水帶取光風霽月歸

朱行父留度歲

衡山之下湘江上風月留連去較遲四海弟兄多
不遇一門父子兩相知梅邊竹外三盃酒歲尾年
頭幾局棋羈旅宦游俱是客細論心事共題詩

梅花

瀟灑春葩縞壽陽百花惟有此花強月中分外精神出雪裏幾多風味長折向書窓疑是玉吟來齒頰亦生香年年茅舍江村畔勾引詩人費品量

金陵游覽用劉子明韻

英雄割據已爲哉逝水滔滔去不回里巷難尋王謝宅江山空對鳳凰臺登臨無伴詩爲侶興廢不知梅自開同是游人不同樂青樓歌舞待君來

呈趙園令

翠雲屏嶂碧瑤池萬象前陳屬指揮彷彿神仙居處好尋常賓客到來稀荷花香裏渾無暑棊子聲中却有機別院笙歌促君去野夫自步月明歸

吉州堆勝樓謝景周司理居其上

半天輪奐獨嵬峩遙望青原瞰碧螺納納乾坤森萬象重重洲渚繞層波詩情雅與江山合酒興偏於故舊多靴笏縛君難放浪樽前狂客自高歌

吳子似提幹九高亭小景

前日作詩題大槩馬前小景亦堪題綠楊樹下茅

三架白水田頭菜兩畦似酒新鷺初泛浦如孩黃
犢試牽犁十分野趣關心事到此令人憶剡溪

泉州紫極宮壽星殿古檜諸葛機宜同賦
浪說陳朝八檜碑何如此檜言而奇靈根據地高
千尺黛色浮空閱四時人欲棟梁勞想像樹存陵
各有遷移壽星賜汝長生訣化作蒼龍守殿墀

都中次韻申季山

車馬喧臨十二門樂從閑處度朝昏詩書豈爲功
名重軒冕何如道誼尊志士不能行所學明君亦

或諱忠言世間事事如人意未必商山有綺園

蘄州上官節推同到浮光

馬蹄相逐到浮光客裏相寬對舉觴夜暖試鋪新
枕簟曉寒仍索舊衣裳櫻桃着雨便成腐柳絮隨
風如許狂連歲經行淮上路憂時贏得鬢毛蒼

蘄州呈雪蓬姚使君

白旗走報山前事昨日官軍破綠林千里人烟皆
按者一春農事最關心不知郊外雨多少試探田
間水淺深翠玉樓中無限好可無閑暇一登臨

撫州節推蕭學易衙宇一新

撥取高科如拾芥愛君才調望君深莫誇書判居
蓮幕要把文章入禁林華屋修成官滿去好詩改
定客來吟西窓共對蕭蕭竹不負三杯話此心

汪見可教授約諸丈鳳山酌別

鳳凰洲上鳳凰山草草登臨見一斑不立樊墻天
廣大贖栽花竹地寬閑白雲四面峯千疊綠柳前
頭水一灣行色催人詩未就寄情庭院落花間

吉州李伯高會判送鹽蠟子魚比海味之珍

者未免為鱸魚動歸興

每思鄉味必流涎一物何能到我前怒奮兩螯眸
炯炯飽吞三印腹便便形模突出鹽池底風味橫
生海邊合為蓴鱸動歸興久拋東浦釣魚船

癸巳端午呈李伯高

客裏幾逢端午節看成雪鬢與霜髯救人采得三
年艾背世翻成六日蟾老境可憐歸未得羈懷長
是病相兼猛思一醉酬風月笑撚菖花揭酒帘

李深道得蘇養直所為深字韻一首不知題

何處景俾跋其後唐人詩云欲向愁烟問故

都來五十有六字寫出山林無限奇當日所題何

處景祇今但見後湖詩一言一語堪傳世某水某

丘仍屬誰試向愁烟推白鳥無情白鳥又何知

與姪南隱等 賡和

夢回啼鳥聒幽榭古篆香烟結畫屏談塵一揮塵

畢少離騷繞讀醉魂醒閑居便是人間樂死已何

須座右銘但了耕桑 門戶我生安分合寧馨

石屏文遊湖海祖妣遂題二句於壁云機番

白苧和愁織門掩黃花帶恨吟後石屏歸祖

妣已亡矣續成一律

伊音天邊望葉帖天邊魚鴈幾浮沉機番白苧和

愁織門掩黃花帶恨吟自古詩人皆浪跡誰知賢

婦有關心歸來却抱雙雛哭碑刻雖深恨更深

石屏詩集卷第六終

道一百三十二首

